



Tannie Ella van Ceres  
Tuisie word  
100! 3



Museumroete stel nuwe  
webtuiste bekend 3

## Witzenberg Herald vier vanjaar hul 21ste bestaanjaar

Telephone: (023) 316-2024

Fax: (023) 316-2023

Editor: 082-468-2649

nuus@witzenbergherald.com

www.witzenbergherald.com

# Nduli-boere kry hul eie plaas



OP Dinsdag 29 Mei is die geskiedkundige oordrag van die plaas Daytona in die akte-kantoor geregistreer. Die nuwe eienaar van Daytona is Thembelitsha Farming (Pty) Ltd. VOOR: Day Ngwane, Monica Mokakala, Tommy Mona, Langman Jeko (direkteur: Daytona Farming (Pty) Ltd), Gerrit van Vuuren (Joubert Van Vuuren Inc), Ruth Yisa (direkteur: Daytona Farming (Pty) Ltd), Zamekile Kalo (direkteur: Daytona Farming (Pty) Ltd), Nozabathini Nkamana, Michael Mkwanya en Fezeka Majiki (PALS). AGTER: Lennox Plaatjies (PALS), Michael Nyadhu, Sicelo Mbanguila, Stefan du Plessis (direkteur en mentor: Elandsrivier Boerdery (Pty) Ltd), Tamsanqa Tinta en André Lotz (direkteur: Thembelitsha Farming (Pty) Ltd).

OP Dinsdag 29 Mei is die geskiedkundige oordrag van die plaas Daytona in die akte-kantoor geregistreer.

Die nuwe eienaar van Daytona is Thembelitsha Farming (Pty) Ltd. Die meerderheidsaandeelhouer van Thembelitsha Farming is 'n maatskappy bestaande uit 11 swart boere van Nduli. Die ander aandeelhouer en kommersiële bestuurder van Thembelitsha Farming, is Elandsrivier Boerdery.

Die afgelepe Sondagmiddag is die titelakte van die 228 hektaar plaas, wat die Daytona-dam insluit, aan die aandeelhouers oorhandig.

Groot dankbaarheid en opgewondenheid oor 'n nuwe toekoms is deur een van die direkteure, Ruth Yisa verwoord: "We have travelled this road with PALS since 2015 and today we can see where it has brought us, to a great legacy and a bright future for us and our families".

Thembelitsha het reeds 6 hektaar knoffel gevestig en daar word beplan om 'n gemengde boerdery met vrugte, lusern en ander gewasse op die grond te vestig.

Stefan du Plessis van Elandsrivier het sy dankbaarheid uitgespreek vir die geleentheid om in 'n gees van samewerking, deel te kan

wees van hierdie projek. Hy het ook tereg opgemerk "die harde werk om van hierdie projek 'n sukses te maak, begin nou".

Die transaksie was 'n paar jaar lank vertraag weens 'n hofappél deur een van die vorige eienaars en daarna moes daar ook tyd gegun word aan die staat wat 'n voorskopreg op die grond gehad het.

Na meer as drie jaar se gesprekke en aksies kon eienaarskap aan Thembelitsha Farming, wat Nuwe hoop beteken, oorgedra word.

Toe Gerrit van Vuuren Sondagmiddag die titelakte oorhandig, was die gevoel van hoop en 'n nuwe begin, bykans tasbaar.

Aandeelhouer Zamekile Kalo het as volg reageer: "I thank God who brought us on this journey with PALS, we will continue together with our partners and PALS trusting God to bring us to success with our venture".

Lennox Plaatjies het namens Witzenberg PALS gesê: "Die Thembelitsha-projek is 'n voorbereid van wat bereik kan word waar daar vertroue, wedersydse respek, samewerking en 'n verbintenis tussen swart opkomende boere en hul wit kommersiële vennoot is om grondhervorming tot almal se voordeel, te implementeer".